

Meir enn 40 køyrety vert med i kortesjen på 17. mai.

06.05.2020



Björgulv Eik stiller med tre køyrety i kortesjen. Bilete syner Willys Jeep og Tempo motorsykel. F.v. Eirik Eik Arnevik, Tor Øystein Myklebust og Björgulv Eik.

Det er enno tid til å melda seg på til den store køyretykortesjen på Nasjonaldagen. Frammøte er på Børneset 17. mai kl. 13,30. Avreise kl. 14.00 og ruta går etter oppsett plan. Uskedalen.no har i dag møtt ansvarleg for kortesjen, Tor Øystein Myklebust, og Björgulv Eik, den eldste deltakarane og som har meldt på tre køyrety.

Dei vel 40 køyretya kan grovt delast inn i fire grupper:

1. Veteranbilar
2. Veteransyklar
3. Veterantraktorar
4. Nyare traktorar

Björgulv Eik stiller med tre køyrety:

- Willys Jeep 1943 modell, kom til landet i 1986 og var ein del av Forsvaret i sør Noreg. Björgulv kjøpte jeepen i Oslo for 14 år sidan og er original stand med rett farge. Det militære køyretyet er registrert og har skiltet R-1943.
- Motorsykel, Tempo, 150 kubikk, kjøpt i Odda i 1954 for kr. 2.500,-, brukt i jobben Björgulv hadde som mjølkekontrollør fram til han fekk bil i 1977. Sykkelen er original med Sachs motor og elles alt som høyrer med. Tempoen er fullrenovert og lakkert på nytt og med nye spiler i hjula. Skiltet har nummeret R-12690
- Traktor: John Deer frå 1978. Traktoren er i dagleg bruk.

Dei som ynskjer å delta i kortesjen, må melda frå til Tor Øystein Myklebust på mobil 957 84 849. Køyretya bør pyntast med flagg og det ein tenkjer på med våren og 17. mai.

Uskedalen.no føl opp denne saka med andre aktuelle deltakarar og køyrety fram mot 17.mai.

Tekst/foto/nett: Kristian Bringedal



Tempo 150 kubikk motorsykkkel, kjøpt i Odda i 1954 for kr. 2.500,-